



Reuerendi Patris P. Hieremiæ Drexelii e Societate Iesu Opera omnia

Duobus nunc Voluminibus comprehensa, & libellis ante hac non editis
aucta ; Illvstrata, Indicibvs Moralibus, Locorum S. Scripturæ, Capitalium
Mysteriorum fidei, Rerum, & Concionum quouis anni tempore habendarum
; Congestis Et Compositis Methodo prorsus, alijs Auctoribus inusitata ; Sed
Theologis ...

Drexel, Jeremias

Antverpiæ, 1643

Disce mori, id te doceat assidua mortis rapina.

[urn:nbn:de:hbz:466:1-77028](https://nbn-resolving.org/urn:nbn:de:hbz:466:1-77028)

Qui hereditatem salutis capientibus in ministrum mittimini,

Qui super regna & provincias constituti estis,

Qui hostium exercitus sæpe dissipastis,

Qui Dei famulos ex carceribus & aliis vitæ periculis sæpe liberastis,

Qui Sanctis martyribus in tormentis sæpe solatio fuistis,

Qui Ecclesiæ Prælatos & Principes ejusdem nutritios peculiari curâ fovere soletis,

Omnes Sancti beatorum spirituum ordines,

A cunctis periculis, per Sanctos Angelos tuos, Libera nos Domine.

Ab insidiis diaboli, Libera nos Domine.

Ab omni hæresi & schismate, Libera nos Domine.

A peste, fame, & bello, Libera nos Domine.

A subitaneâ & improvisâ morte, Libera nos Domine.

A morte perpetuâ, Libera nos Domine.

Peccatores, Te rogamus audi nos.

Per Sanctos Angelos tuos,

Ut nobis parceas,

Ut nobis indulgeas,

Ut Ecclesiam tuam sanctam regere & conservare digneris,

Ut domnum Apostolicum & omnes Ecclesiasticos ordines protegere digneris,

Ut Imperatori nostro, Regibus, & omnibus Principibus Christianis pacem & unitatem largiri digneris,

Ut fructus terræ dare & conservare digneris,

Ut omnibus fidelibus defunctis requiem æternam donare digneris,

Agnus Dei qui tollis peccata mundi, Parce nobis Dñe.

Agnus Dei qui tollis peccata mundi, Exaudi nos Dñe.

Agnus Dei qui tollis peccata mundi, Miserere nobis.

Christe audi nos, Christe exaudi nos. Kyrie eleison.

Christe eleison, Kyrie eleison. Pater noster, &c.

Psalmus ex variis Psalmis.

Laudate Dominum de cælis: laudate eum in excelsis. Laudate eum omnes Angeli ejus: laudate eum omnes virtutes ejus.

Benedicite Dominum omnes Angeli ejus: potentes virtute, facientes verbum illius, ad audiendam vocem sermonum ejus.

Benedicite Domino omnes virtutes ejus: ministri ejus qui facitis voluntatem ejus.

Benedic anima mea Domino, & noli oblivisci omnes retributiones ejus.

Qui redimit de interitu vitam tuam, qui coronat te in misericordiâ & miserationibus.

Quoniam Angelis tuis mandavit de te: ut custodiant te in omnibus viis tuis.

In manibus portabunt te: ne fortè offendas ad lapidem pedem tuum.

Super aspidem & basiliscum ambulabis, & conculcabis Leonem & Draconem.

Immitter Angelus Domini in circuitu timentium eum, & eripiet eos.

Gloria Patri, & Filio, & Spiritui sancto: Sicut erat in principio, & nunc, & semper, & in sæcula sæculorum, Amen.

¶ In conspectu Angelorum psallam tibi Deus meus.

¶ Adorabo ad templum sanctum tuum, & confitebor nomini tuo.

¶ Domine exaudi orationem meam.

¶ Et clamor meus ad te veniat.

Oremus.

Omnipotens & misericors Deus, qui nos Angelicâ custodiâ munire dignatus es, concede quaesumus, ut tantâ protectione secuti, & a pravis cogitationibus

Ora pro nobis.

Te rogamus audi nos.

A liberemur in mente, & ab omnibus adversitatibus erua-
mur in corpore. Per Dominum nostrum Jesum Chri-
stum filium tuum, qui tecum vivit & regnat in unitate
Spiritus sancti Deus, per omnia sæcula sæculorum,
Amen.

HORA V.

*Disce MORI: id te doceat assidua
mortis rapina.*

MEMENTO homo vanitas, non moriturum te, sed
MORTI, quovis die, quâvis horâ. Vitæ hujus prin-
cipium, mortis est exordium: prima hora quæ vitam
dedit, eandem etiam carpsit & mutilavit; hunc ipsum
quem agis diem, cum morte dividis. Quidquid facis,
respice finem. Breves dies hominis sunt, numerus mensium
ejus apud Deum est: constituti sunt termini ejus qui præteriri
non poterunt; non poterunt, cheu non poterunt. Et non
tantum non præteriri sed nec sciri possunt, quàm sint
vicini. Vis esse immunitas à morte subitâ? mortem as-
siduè cogita. Semper discendum est, quod an sciamus, ex-
petiri non possumus: meditare mortem. Nemo im-
provisò moritur, qui semper se moriturum cogitavit.
Memento mori.

Disce VIVERE: id te doceat lex Iustitiæ.

Virtutis est proprium, injustitiam odisse, & omnem
injustitiâ comitatum, insidias, fraudes, injurias: proprie-
tas. has accipere malis, quàm inferre. Non mundi, sed
Christi lex est: Rapturo pallium etiam tunicâ adjicien-
dam in auctarium. Et quod illud lucrum sit, argentum
in arcâ, damnum in conscientia? lucro turpi jactura
longè præferenda est: Quid enim proderit homini, si sacre-
tur mundum totum, & detrimentum anime sue faciat. Sed
iis jam moribus vivitur, ut justitiæ nomen religiosè ado-
retur, res ipsa ad cuiusvis ensium aut commodum tor-
queatur: iusti haberi volunt plurimi, pauci esse. Pars
magna justitiæ est, ut, quod aliis vitio vertis, ipse non
committas, & quod tibi fieri non vis, alteri non facias.
Discite justitiâ moniti (ô mortales) & non temnere
Divos.

Disce ORARE: id te doceant tres orationes istæ.

Prima.

Deus qui miro ordine Angelorum ministeria ho-
minumque dispensas, concede propitius, ut à qui-
bus tibi ministrantibus in celo semper assistitur, ab his
in terrâ vita nostra muniat. Per Christum Dominum
nostrum, &c.

Secunda.

Benignissime Deus, ejus immensa bonitas & sa-
pientia, in omnibus sanctis Angelis tuis mirificè re-
lucet, te rogo suppliciter, ut Angelicis pro me interven-
ientibus suffragiis, omnia opera mea & placatus susci-
pias, & ad salutem meam provenire concedas. Per
Christum Dominum nostrum.

Tertia.

O Eterne Deus, bonitatem tuam per omnium San-
ctorum Angelorum atque Archangelorum pre-
ces & merita, humiliter imploro, ut quod me in te
amori deest, illorum in te ardentissimus amor compen-
set. Per eundem Dominum nostrum Jesum Christum
filium tuum, qui tecum vivit & regnat cum sancto Spi-
ritu in sæcula sæculorum.

HORA VI.

*Disce MORI: id te doceant quotidiana
plurimorum funera.*

MEMENTO homo putredo, quot hæc, non dicam vitæ brevi-
die, sed horâ, è vivis citandi ad tribunal summi
judicis, cogitanda.